

Կազմուած է 12 յուլիս 2025թ.

ՏՊԱԳՐՈՒԿԱԾ Է ԸՆԴՀԱՄԵՆԸ 2 ԱԻՐԻՆԱԿԻՑ
ԱԻՐԻՆԱԿ 1

ՀԱՍՏԱՏՈՒԿԱԾ Է
«ԱԶՍԱՏԵՆ» ԿՐԹԱԿԱՆ
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹԵԱՆ

ԳՐԱՆՑՈՒԿԱԾ Է
ՀՀ ԻՐԱԻՄԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԿՈՂՄԻՑ

«12» յուլիս 2025թ.

28.09.2021թ.

ՀԵՐԹԱԿԱՆ ՀԱՍՏԱԳՈՒՄԱՐԻ ԿՈՂՄԻՑ

ԳՐԱՆՑՄԱՆ ՀԱՄԱՐ 211.171.1197465

ՀԿՀՀ 00243558

24.10.2024 թ. ԳՐԱՆՑՈՒԿԱԾ


ԿԱԶՄԱԿԵՐՊՈՒԹԵԱՆ ԳՈՐԾԱԴԻՐ ՏՆԱԻՐԵՆ՝

ԿԱՆԱԲՆԱԴՐՈՒԹԵԱՆ ԹԻՒ 001.2

Նաղաշ Բաղդասարյան

ՓՈՓՈԽՈՒԹԻՒԸՆԸ

ԳՐԱՆՑՈՒԿԱԾ Է


(Նաղաշ Բաղդասարյան)

ՀՀ ԻՐԱԻՄԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹԵԱՆ ԿՈՂՄԻՑ

« 26 » _____ 12 _____ 2025 թ.



ԱՇԽԱՏԱԿԻՑ



ԿԱՆԱԲՆԱԴՐՈՒԹԻՒՆ

«ԱԶՍԱՏԵՆ» ԿՐԹԱԿԱՆ

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹԵԱՆ

(Նոր խմբագրուածիւն)

1. ԸՆԴՀԱՆՈՒՐ ԴՐՈՅԹՆԵՐ

- 1.1.** «Ազատագէն» կրթական հասարակական կազմակերպութիւնը (այսուհետ՝ Կազմակերպութիւն) հասարակական միաւորման տեսակ է, որում իրենց շահերի ընդհանրութեան հիման վրայ աւրէնքով սահմանուած կարգով միաւորուել են փիզիկական եւ/կամ իրաւաբանական անձինք: Կազմակերպութիւնը ունի ոչ առետորային կազմակերպութեան կարգավիճակ: Կազմակերպութիւնն իր գործունեութիւնը ծաւալում է ռազմակրթական, ռազմահայրենասիրական, ռազմամարզական, ռազմագիտական, ռազմասպորտային, ռազմարտադրական եւ կամ այլ հանրաւգուտ ոլորտներում: Կազմակերպութիւնը հիմնադրուել է 2021 թ. աւգոստոսի 15-ի հիմնադիր ժողովի միաձայն որոշմամբ եւ գործում է Հայաստանի Հանրապետութեան Սահմանադրութեանը, Հայաստանի Հանրապետութեան քաղաքացիական աւրէնսգրքին, «Հասարակական կազմակերպութիւնների» մասին Հայաստանի Հանրապետութեան աւրէնքին, Հայաստանի Հանրապետութեան միջազգային պայմանագրերին, իրաւական այլ ակտերին եւ այս կանաւնադրութեանը համապատասխան:
- 1.2.** Կազմակերպութեան գործունեութիւնը հիմնուած է արհմականութեան, խտրականութեան բացառման, բարեխղճութեան, անդամների շահերի ընդհանրութեան, անդամութեան կամաւորութեան, հաշուետուողականութեան, ինքնակառավարման եւ իրապարակայնութեան վրայ:
- 1.3.** Կազմակերպութիւնը գործում է Հայաստանի Հանրապետութեան ողջ տարածքում եւ ատարերկրեայ պետութիւններում՝ այդ պետութիւնների աւրէնսդրութեանը համապատասխան:
- 1.4.** Կազմակերպութեան անուանումն է՝
Կազմակերպութեան հայերէն անուանումը «Ազատագէն» կրթական հասարակական կազմակերպութիւն
Կազմակերպութեան հայերէն անուանումը կրճատ՝ «Ազատագէն» ԿՅԿ
Կազմակերպութեան անգլիարէն անուանումը՝ „Azatazen“ Educational Non-Governmental Organization
Կազմակերպութեան անգլիարէն անուանումը կրճատ՝ „Azatazen“ NGO
Կազմակերպութեան ռուսերէն անուանումը՝ Образовательная общественная организация «Азатазен»
Կազմակերպութեան ռուսերէն անուանումը կրճատ՝ «Азатазен» ООО.
- 1.5.** Կազմակերպութեան գտնուելու վայրն է՝ ՀՀ, ք. Երեւան, Ծարաւ Աղբեր 134/1 շէնք, հեռախաւս՝ +374 41 54 20 02 , եղ. հասցէ՝ info@azatazen.am:
- 1.6.** Կազմակերպութիւնն ունի կլոր կնիք, որի վրայ շրջանաձեւ երեք լեզուով (հայերէն, անգլիարէն եւ ռուսերէն) իրար տակ գրուած է Կազմակերպութեան ամբողջական

անուանումը: Կենտրոնում երեք լեզուով (հայերեն, անգլիարեն և ռուսերեն) իրար տակ գրուած է Կազմակերպութեան կրճատ անուանումը, իսկ ներքեւում գրուած է ՀԿՀՀ-ն:

1.7. Կազմակերպութիւնը համագործակցում է ինչպէս ՀՀ պետական, ոչ պետական մարմինների և կազմակերպութիւնների, այնպէս էլ արտասահմանեան և միջազգային կազմակերպութիւնների, ընկերութիւնների և ուսումնական հաստատութիւնների հետ:

2. ԿԱԶՄԱԿԵՐՊՈՒԹԵԱՆ ԳՈՐԾՈՒՆԵՈՒԹԵԱՆ ՆՊԱՏԱԿՆԵՐԸ

2.1. Կազմակերպութեան գործունեութեան նպատակներն են՝

2.1.1. կազմակերպել ուսումնամարզական հաւաքներ, ռազմասպորտային և ռազմակրթական դասընթացներ, կրակային պատրաստութեան դասընթացներ, ռազմասպորտային մրցոյթներ, հրաձգութեան մրցոյթներ, սպորտային հրաձգութեան դասընթացներ և մրցոյթներ,

2.1.2. նպաստել ռազմական, ռազմուսումնական, զէնք ձեռք բերելու, կրելու և կիրառելու մասով աւրէնսդրական բարելաւումներին, սպորտային հրաձգութեան զարգացմանը,

2.1.3. նպաստել զէնք կրելու և կիրառելու մշակոյթի ձեւաւորմանն ու զարգացմանը Հայաստանում,

2.1.4. նպաստել Հայաստանում զինագործութեան զարգացմանը,

2.1.5. նպաստել Հայաստանում ռազմասպորտային և սպորտային հրաձգութեան մրցոյթներ կազմակերպելու ենթակառուցուածքների զարգացմանը,

2.1.6. ուսումնասիրել հայկական և համաշխարհային ռազմական, ռազմաքաղաքական փորձը, կազմակերպել գիտաժողովներ, սեմինարներ,

2.1.7. աջակցել ռազմական, զինուորական, ռազմագիտական և այլ ոլորտներում մասնագիտացող երեխաների, պատանիների և երիտասարդների մասնագիտական զարգացմանը, վերջիններիս և մասնագիտացուած անձանց ներգրաւուածութեանը տեղական և միջազգային գիտակրթական հետազաւտութիւններին:

2.2. Իր նպատակներն ու խնդիրներն իրականացնելու համար կազմակերպութիւնը իրականացնում է աւրէնքով սահմանուած կարգով գործունեութեան հետեւեալ տեսակները

2.2.1. համագործակցում է պետական կառավարման և տեղական ինքնակառավարման մարմինների, միջազգային և աւտարերկրեայ համանման կազմակերպութիւնների, Հայաստանի Հանրապետութիւնում գրանցուած այլ կազմակերպութիւնների և փիզիկական անձանց հետ,

2.2.2. տրամադրում է կրթաթոշակներ, դրամաշնորհներ և այլ նիւթական և/կամ ոչ նիւթական աջակցութիւն,

2.2.3. կազմակերպում և իրականացնում է փորմալ և ոչ փորմալ կրթական ծրագրեր, աշխատանոցներ, ամառային դպրոցներ և այլն,

2.2.4. կազմակերպում գիտաժողովներ, համաժողովներ, մասնագիտական քննարկումներ, ցուցահանդեսներ, մրցոյթներ եւ այլ գիտակրթական միջոցառումներ:

2.3. Կազմակերպութիւնը ՀՀ աւրէնսդրութեամբ սահմանուած կարգով կարող է զբաղուել ձեռնարկատիրական գործունեութեամբ: Կազմակերպութիւնն իրաւունք ունի իր կանաւնադրութեամբ սահմանուած նպատակներին համապատասխան իրականացնել ձեռնարկատիրական գործունեութիւն, այդ նպատակով տնաւրինել իր գոյքը եւ գործունեութեան արդիւնքները, ինչպէս նա եւ իրաւունք ունի աւրէնքով սահմանուած կարգով ստեղծել առետրային կազմակերպութիւն կամ դառնալ նրա մասնակից:

2.4. Կազմակերպութիւնը վարում է ձեռնարկատիրական գործունեութեան առանձնացուած հաշուառում՝ դրա վերաբերեալ տեղեկութիւնները ներառելով աւրէնքով նախատեսուած հաշուետուութիւններում: Կազմակերպութեան իրականացրած ձեռնարկատիրական գործունեութեան արդիւնքում ստացուած շահոյթը աւգտագործուում է միայն Կազմակերպութեան կանաւնադրական նպատակներով:

2.5. Կազմակերպութիւնը ՀՀ աւրէնսդրութեամբ սահմանուած կարգով կարող է հիմնել լրատուութեան միջոցներ, տեղեկատուութիւն տարածել իր գործունեութեան վերաբերեալ զանգուածային լրատուութեան եւ թուային կապի միջոցներով:

3. ԱՆԴԱՄՈՒԹԵԱՆ ՏԵՍԱԿՆԵՐԸ, ԱՆԴԱՄԱԳՐՈՒԵԼՈՒ ԵՒ ԱՆԴԱՄՈՒԹԻՒՆԻՑ ԴՈՒՐՍ ԳԱԼՈՒ ԿԱՐԳԸ

3.1. Կազմակերպութիւնն ունի անդամութեան երկու տեսակ՝ Լիիրաւ եւ Աջակից:

3.2. Կազմակերպութեան Լիիրաւ անդամ կարող են դառնալ Հայաստանի Հանրապետութեան քաղաքացի 18 տարին լրացած փիզիկական անձինք, որոնք ունեն ՀՀ աւրէնսդրութեամբ սահմանուած հարթափող կամ ակաւսաւոր զէնք, Կազմակերպութեան Աջակից անդամ են 6 ամիս, ունեն կազմակերպութեան նուազագոյնը 5 (հինգ) այլ Լիիրաւ անդամի երաշխաւորութիւնը, ընդունում են այս կանաւնադրութիւնը, եւ կարող են լինել, եթէ կատարում են անդամի համար կանաւնադրութեամբ նախատեսուած պարտաւորութիւնները, կանաւնաւոր վճարում են անդամավճարները:

3.3. Կազմակերպութեան Աջակից անդամ կարող են լինել ՀՀ եւ արտերկրեայ իրաւաբանական անձինք, ՀՀ քաղաքացի եւ արտերկրեայ փիզիկական անձինք, որոնք ընդունում են այս կանաւնադրութիւնը, ցանկանում են մասնակցել ու աջակցել կազմակերպութեան գործունեութեանը: Մինչեւ տասնչորս տարեկան անձը Կազմակերպութեան անդամ կարող է դառնալ իր ցանկութեամբ՝ արիւնական ներկայացուցչի դիմումի հիման վրայ: Տասնչորսից մինչեւ տասնութ տարեկան անձը Կազմակերպութեան անդամ կարող է դառնալ իր դիմումի հիման վրայ՝ արիւնական ներկայացուցչի գրաւոր համաձայնութեամբ:

- 3.4.** Խորհրդի անդամը չի կարող միաժամանակ հանդիսանալ Հայաստանի Հանրապետության նմանատիպ գործունեությամբ զբաղուող կազմակերպության խորհրդի նախագահ, խորհրդի անդամ կամ գործադիր մարմնի ղեկավար:
- 3.5.** Կազմակերպության Լիիրաւ եւ Աջակից անդամների համար սահմանուում է անդամավճար, որի չափը եւ զանձումը կազմակերպելու կարգը սահմանում է Խորհուրդը:
- 3.6.** Խորհուրդն իր հայեցողությամբ կարող է վերանայել Լիիրաւ եւ Աջակից անդամների անդամավճարի չափը, վճարման կարգն ու ժամկետները ոչ աւել, քան տարին մեկ անգամ:
- 3.7.** Կազմակերպությանն անդամագրուելու եւ անդամութիւնից դուրս գալու կարգը`
- 3.7.1.** Կազմակերպությանն անդամագրուելու կամ անդամութիւնից դուրս գալու կարգը սահմանուած է Կազմակերպության Անդամակցութեան կարգում, որը հաստատուում է Խորհրդի կողմից,
 - 3.7.2.** Կազմակերպության անդամ դառնալու ցանկութիւն ունեցող իրաւաբանական կամ փիզիկական անձը գրաւոր դիմում է ներկայացնում Գործադիր տնաւրէնին,
 - 3.7.3.** Կազմակերպության Աջակից անդամ դառնալու համար ստացուած դիմումները Գործադիր տնաւրէնը հաստատուում կամ մերժում է իր հայեցողությամբ,
 - 3.7.4.** Կազմակերպության Լիիրաւ անդամ դառնալու համար դիմող փիզիկական անձը բացի անդամութեան դիմումից ներկայացնում է նաեւ իր գործունեութիւնը, Կազմակերպութեանն անդամագրուելու նպատակը եւ մոտիւացիան` իր հայեցողությամբ գրաւոր կամ բանաւոր կերպով,
 - 3.7.5.** Կազմակերպության Լիիրաւ անդամ դառնալու համար ստացուած դիմումները Գործադիր տնաւրէնը ներկայացնում է Խորհրդի քննարկմանը,
 - 3.7.6.** Լիիրաւ անդամի անդամագրումը Կազմակերպութեանը կատարուում է Խորհրդի քուէարկութեան արդիւնքում` Խորհրդի բոլոր անդամների ձայների 2/3 մեծամասնությամբ, սակայն պայմանով, որ դեմ քուէների քանակը չի գերազանցում Խորհրդի բոլոր անդամների 1/4-ը,
 - 3.7.7.** Ուղղակի ճանապարհով` առանց աջակից անդամ լինելու Լիիրաւ անդամի անդամագրումը Կազմակերպութեանը կարող է կատարուել Խորհրդի բոլոր անդամների միաձայն քուէի արդիւնքում (Խորհրդի կոնսենսուսով), որի առկայութեան դէպքում դիմող փիզիկական անձը կարող է ձեռք բերել լիիրաւ անդամի կարգավիճակ,
 - 3.7.8.** Կազմակերպության անդամն իրաւունք ունի իր հայեցողությամբ դուրս գալու Կազմակերպության անդամութիւնից,
 - 3.7.9.** Կազմակերպության անդամութիւնից դուրս գալու համար անդամը` դուրս գալու աւրուանից առնուազն 30 աւր առաջ, գրաւոր տեղեկացնում է Գործադիր տնաւրէնին իր մտադրութեան մասին` կատարելով իր գոյքային, դրամական կամ այլ

պարտաւորութիւնները Կազմակերպութեան առջեւ՝ մինչեւ Կազմակերպութիւնից դուրս գալու աւրը,

- 3.7.10.** Կազմակերպութեան անդամի կողմից կազմակերպութեան խնդիրներին եւ նպատակներին հակադիր եւ խոչընդոտող գործունեութեան, եւ/կամ պարբերաբար անդամավճար չվճարելու համար Կազմակերպութեան խորհուրդը, խորհրդի նիստին ներկայ անդամների առնուազն 3/4 ձայների մեծամասնութեամբ, կարող է որոշում ընդունել անդամին հեռացնելու մասին,
- 3.7.11.** Այն Լիիրաւ անդամը, ով երկու եւ աւել անգամ յաջորդաբար չի մասնակցել հերթական կամ արտահերթ Յամագումարներին, խորհրդի 3/4 ձայների մեծամասնութեան որոշմամբ նրա անդամութիւնը կարող է դադարեցուել,
- 3.7.12.** Կազմակերպութեան Լիիրաւ անդամի կողմից Կազմակերպութեան վարքականաւնի որեւէ կետի խախտման դէպքում խորհուրդն իրաւունք ունի 3/4 ձայների մեծամասնութեամբ որոշում կայացնել տուեալ անդամին Կազմակերպութեան անդամութիւնից հեռացնելու մասին,
- 3.7.13.** Կազմակերպութեան Լիիրաւ անդամի անդամութիւնից դուրս գալու կամ հեռացնելու դէպքում՝ Յամագումարի որոշմամբ վաղաժամկետ դադարեցուում են Կազմակերպութեան լիիրաւ անդամի լիազարութիւնները նաեւ որպէս Կազմակերպութեան խորհրդի անդամ, խորհրդի նախագահ, Վերստուգող կամ Անուանակարգային յանձնաժողովի անդամ:

4. ԿԱԶՄԱԿԵՐՊՈՒԹԵԱՆ ԱՆՂԱՄՆԵՐԻ ԻՐԱԴՐՈՒՄՆԵՐՆ ՈՒ ՊԱՐՏԱԿԱՆՈՒԹԻՒՆՆԵՐԸ

4.1. Կազմակերպութեան Լիիրաւ անդամն իրաւունք ունի՝

- 4.1.1.** մասնակցել Կազմակերպութեան խորհրդի նիստերին եւ կառավարման այլ մարմինների նիստերին,
- 4.1.2.** Կազմակերպութեան կանոնադրութեամբ սահմանուած դէպքերում եւ կարգով ընտրել եւ ընտրուել Կազմակերպութեան կառավարման մարմիններում,
- 4.1.3.** մասնակցել Կազմակերպութեան իրականացրած ծրագրերին եւ ծանաւթանալ Կազմակերպութեան կազմած փաստաթղթերին եւ տեղեկատուութեանը,
- 4.1.4.** ծանաւթանալ Կազմակերպութեան մարմինների արձանագրութիւններին, ստանալ նրանց ընդունած որոշումների պատճենները,
- 4.1.5.** Կազմակերպութիւնից պահանջել տեղեկութիւններ, ստանալ փաստաթղթերի պատճեններ՝ Կազմակերպութեան կանաւնադրութեան փոփոխութիւններին, մարմինների արձանագրութիւններին, որոշումների, գոյքի կառավարումից ստացուած դրամական

միջոցների վերաբերեալ, ինչպես նա եւ ստանալ նրա դրամական հաշուետուութիւնների աուդիտն իրականացրած անկախ աուդիտորի եզրակացութեան պատճէն, որոնք վերաբերում են վերջին երեք տարիներին,

4.1.6. աւգտուելու Կազմակերպութեան գոյքից ու ծառայութիւններից խորհրդի կողմից սահմանուած կանաւններին ու պայմաններին համաձայն,

4.1.7. վերադասութեան կամ դատական կարգով բողոքարկել Կազմակերպութեան մարմինների որոշումները,

4.1.8. Յրաւիրել արտահերթ Յամագումար Կազմակերպութեան Լիիրաւ անդամների 1/3-ի համաձայնութիւնն ունենալու դէպքում,

4.1.9. իրականացնել աւրէնքով սահմանուած այլ իրաւունքներ:

4.2. Կազմակերպութեան Աջակից անդամն իրաւունք ունի՝

4.2.1. մասնակցել Յամագումարին,

4.2.2. աւգտուել Կազմակերպութեան գոյքից ու ծառայութիւններից խորհրդի կողմից սահմանուած դէպքերում եւ կարգով:

4.3. Կազմակերպութեան Լիիրաւ եւ Աջակից անդամները պարտաւոր են՝

4.3.1. բարեխղճաւրէն կատարել Կազմակերպութեան կանաւնադրական պահանջները, կառավարման մարմինների որոշումները եւ իր կողմից ստանձնած պարտականութիւնները,

4.3.2. կանաւնաւոր վճարել անդամավճարը, որի չափը, վճարման կարգը եւ ժամկետները սահմանում է խորհուրդը:

5. ԿԱԶՄԱԿԵՐՊՈՒԹԵԱՆ ԿԱՌԱՎԱՐՄԱՆ ԿԱՐԳԸ

5.1. Կազմակերպութեան մարմինները

5.1.1. Կազմակերպութեան բարձրագոյն մարմինը Կազմակերպութեան լիիրաւ անդամների համագումարն է (այսուհետ՝ Յամագումար),

5.1.2. Կազմակերպութեան ղեկավար եւ մշտական գործող մարմինը Կազմակերպութեան խորհուրդն է (այսուհետ՝ խորհուրդ),

5.1.3. Կազմակերպութեան ներկայացուցչական մարմինը Կազմակերպութեան խորհրդի նախագահն է (այսուհետ՝ Նախագահ),

5.1.4. Կազմակերպութեան գործադիր մարմինը Կազմակերպութեան գործադիր տնաւրէնն է (այսուհետ՝ Գործադիր տնաւրէն),

5.1.5. Կազմակերպութեան վերահսկող մարմինը Կազմակերպութեան վերստուգողներն են (այսուհետ՝ Վերստուգողներ):

5.1.6. Կազմակերպութեան անուանակարգային յանձնաժողովը Կազմակերպութեան խորհրդի անդամների թեկնածուքիւններ առաջադրող մարմինն է (այսուհետ՝ Անուանակարգային յանձնաժողով):

5.2. Խորհուրդ

5.2.1. Խորհրդի անդամ կարող է դառնալ իւրաքանչիւր Լիիրաւ անդամ՝ Անուանակարգային յանձնաժողովի կողմից Յամագումարին ներկայացուած եւ Յամագումարին մասնակիցների ձայների 3/4-ի մեծամասնութեամբ հաստատուած կանաւնակարգով: Լշուած կանաւնակարգի բացակայութեան պարագայում, բոլոր Լիիրաւ անդամները կարող են առաջադրուել,

5.2.2. Խորհուրդն ընտրուում է կազմակերպութեան Լիիրաւ անդամներից հերթական կամ արտահերթ Յամագումարի ժամանակ,

5.2.3. Հերթական կամ արտահերթ Յամագումարը կարող է անցկացուել համատեղ հաւաքի ձեւով կամ հեռակայ ձեւաչափով՝ ոչ պակաս քան խորհրդի բոլոր անդամների ձայների 3/4 մեծամասնութեամբ ընտրուած խորհրդի որոշմամբ,

5.2.4. Խորհրդի անդամ են դառնում Յամագումարի ժամանակ առաւելագոյն քուէ ստացած առաջին 7 թեկնածուները: Խորհուրդ ընտրուած եւ ինքնաբացարկ չյայտարարած առաջին 7 հոգուց յետոյ հետագայում խորհրդի կազմում թափուր տեղ առաջանալու դէպքում այդ տեղը լրացուում է քուէների քանակով 7-րդ անդամին յաջորդող թեկնածուների կողմից, ովքեր Յամագումարի ժամանակ ստացել են ոչ պակաս, քան ամբողջ ձայների 10 %-ը,

5.2.5. Խորհրդի քանակը չի կարող լինել 5 հոգուց պակաս: Նման դէպքում՝ կանաւնադրութեան ուժով, գումարուում է Արտահերթ Յամագումար՝ համատեղ հաւաքի ձեւով ձեւաչափով,

5.2.6. Ընտրութիւնների ժամանակ Լիիրաւ անդամները ընտրում են խորհրդի 7 թեկնածու,

5.2.7. Եթէ խորհրդում քննարկուում է խորհրդի որեւէ մասնակցի կամ նրա հետ փոխկապակցուած անձի (ծնող, ամուսին, զաւակ, եղբայր, քոյր, ամուսնու ծնող, զաւակ, եղբայր եւ քոյր), այդ թուում որեւէ իրաւաբանական անձի գոյքային կամ այդ շահերի վերաբերեալ հարց, ապա խորհրդի տուեալ մասնակիցը քուէարկութեանը չի մասնակցում,

5.2.8. Խորհուրդն ընտրուում է 1 տարի ժամկետով: Կազմակերպութեան միեւնոյն լիիրաւ անդամը կարող է ընտրուել խորհրդի անդամ 4 տարի անընդմեջ: 4 տարի անընդմեջ խորհրդի անդամ եղած միեւնոյն Լիիրաւ անդամի համար խորհրդի անդամ ընտրուելու իրաւունքը սահմանափակուում է 1 տարով,

- 5.2.9.** Խորհուրդն Կազմակերպության ղեկավար եւ մշտական գործող մարմինն է, որն իր գործունեութիւնն իրականացնում է նիստեր անցկացնելու միջոցով,
- 5.2.10.** Խորհուրդը իրաւասու է որոշել աուդիտ իրականացնող՝ կազմակերպության կողմից տրամադրած ողջամիտ բիւջէի շրջանակում, որը բաւարար է շուկայում մի քանի անկախ աուդիտորական ընկերութիւնների միջեւ ընտրութիւն կատարելու համար, որի շնորհիւ կապահովուի ստուգումների անկաշկանդութիւնը: Վճարովի աուդիտ կարելի է իրականացնել ոչ աւել քան տարեկան մեկ անգամ,
- 5.2.11.** Խորհրդի նիստերը բաց են Կազմակերպության Լիիրաւ անդամների համար,
- 5.2.12.** Խորհրդի հերթական նիստերը հրաւիրուում են Նախագահի եւ/կամ Խորհրդի անդամների եւ/կամ Գործադիր տնաւրէնի Նախաձեռնութեամբ ըստ անհրաժեշտութեան, բայց ոչ պակաս, քան երկու շաբաթը մեկ անգամ,
- 5.2.13.** Խորհրդի նիստի աւրը, վայրը եւ աւրակարգը յայտարարուում է ոչ ուշ, քան նիստից 3 աւր առաջ,
- 5.2.14.** Խորհրդի հրատապ նիստը հրաւիրուում է Նախագահի, Գործադիր տնաւրէնի, Վերստուգողի, Խորհրդի անդամների մեկ երրորդի եւ/կամ Կազմակերպության Լիիրաւ անդամների առնուազն մեկ երրորդի պահանջով,
- 5.2.15.** Խորհրդի նիստն իրաւազաւր է, երբ նիստին մասնակցում են Խորհրդի անդամների կէսից աւելին,
- 5.2.16.** Խորհրդի անդամներն առանձին ղեւքերում կարող են նիստին մասնակցել հեռակայ կարգով՝ առցանց միջոցներով,
- 5.2.17.** Խորհուրդն որոշում է Կազմակերպության ընթացիկ գործունեութեան ուղղութիւնները, երաշխաւորում է Կազմակերպութեան ծրագրերը, հաստատում է Կազմակերպութեան վարքականաւնները,
- 5.2.18.** Խորհրդի որոշումներն ընդունուում են նիստին ներկայ քուորում ապահոված անդամների ձայների պարզ մեծամասնութեամբ, եթէ այս կանաւնադրութեամբ այդ բան սահմանուած չէ,
- 5.3.** Խորհրդի բացառիկ իրաւասութիւնն է
- 5.3.1.** Խորհրդի Նախագահի ընտրութիւնը,
- 5.3.2.** Խորհրդի քարտուղարի ընտրութիւնը,
- 5.3.3.** Կազմակերպութեան Գործադիր տնաւրէնի ընտրութիւնը, փոփոխումը, լիազաւրութիւնների վաղաժամկետ դադարեցումը, վարձատրութեան կարգի եւ պայմանների սահմանումը,
- 5.3.4.** տարին մեկ անգամ հաստատել Կազմակերպութեան Գործադիր տնաւրէնի հաստատուած Կազմակերպութեան գործունեութեան եւ գոյքի աւգտագործման

հաշուետուութիւնները, որոնք խորհրդի հաստատմանն են ներկայացուում
Վերստուգողի եզրակացութեան հետ միասին,

5.3.5. տարեկան Համագումարի արդ, անցկացման վայրը եւ արակարգը որոշելը,

5.3.6. խորհրդի Նախագահին անվստահութիւն յայտնելը, խորհրդի քուէարկող ձայների 2/3
մեծամասնութեամբ, բայց ոչ ակելի վաղ, քան Նախագահի պաշտանի մեկնարկից 3
ամիս յետոյ,

5.3.7. Կազմակերպութեան առանձնացուած ստորաբաժանումների, մասնաճիւղերի,
ներկայացուցչութիւնների, հիմնարկների ստեղծումը եւ լուծարումը:

5.4. Եթե խորհրդի Նախագահի լիազարութիւնները դադարում են վաղաժամկետ, խորհրդի
կողմից Նախագահին անվստահութիւն յայտնելու ճանապարհով, ապա խորհուրդը
պարտաւոր է հրաժարական տալ եւ մեկ ամսուայ ընթացքում կազմակերպել արտահերթ
Համագումար ու խորհրդի արտահերթ ընտրութիւններ:

5.5. խորհրդի նիստերն արձանագրուում են: Արձանագրութիւնը հաստատուում է Նախագահի եւ
քարտուղարի ստորագրութիւններով:

5.6. խորհուրդը հաստատում եւ վերահսկում է Կազմակերպութեան տարեկան բիւջէի հիմնական
ուղղութիւնները, քննարկում է Նախորդ հաշուետու ժամանակահատուածում
գործունեութեան եւ բիւջէի կատարման հաշուետուութիւնները:

5.7. խորհուրդը տարեկան մեկ անգամ Կազմակերպութեան բոլոր անդամներին հրաւիրում է
Համագումարի, որտեղ ներկայացնում է Նախորդ հաշուետու ժամանակաշրջանում
կատարուած աշխատանքները, Նախորդ հաշուետու ժամանակաշրջանի դրամական
հաշուետուութիւնները եւ ապագայ ծրագրերը:

5.8. արէնքով Նախատեսուած այլ լիազարութիւնների իրականացումը:

5.9. խորհրդի անդամն իրաւունք ունի ցանկացած պահի ինքնաբացարկ յայտարարելու:

5.10. խորհրդին կից եւ խորհրդի կողմից կարող է/են ստեղծուել խորհրդատուական
կոմիտէ/ներ (այսուհետ՝ խորհրդատուական կոմիտէ), որի/որոնց կազմը, քանակը,
իրաւասութիւնները եւ գործունեութեան կարգի այլ մանրամասները սահմանում է
խորհուրդը:

5.11. խորհրդատուական կոմիտէի որոշումներն ունեն խորհրդատուական բնոյթ: խորհուրդը
եւ Կազմակերպութեան այլ ղեկավար մարմիններն ի գիտութիւն են ընդունում
խորհրդատուական կոմիտէի ընդունած որոշումները Կազմակերպութեան ընդհանուր
ռազմավարութեան եւ զարգացման վերաբերեալ:

5.12. խորհրդատուական կոմիտէի անդամները կարող են խորհրդի կողմից սահմանուած
սահմաններում մասնակցել դրամահաւաքների/ֆոնդահայթայթման գործընթացների,
ներկայացնել Կազմակերպութիւնը երրորդ անձանց շրջանակներում եւ այլն:

5.13. Խորհրդի Նախագահը

- 5.13.1.** ընտրուում է Խորհրդի կողմից եւ կազմից, քուէարկող ձայների պարզ մեծամասնութեամբ Զամագումարի ժամանակ, մեկ տարի ժամկետով,
- 5.13.2.** ընտրուում է 1 տարի ժամկետով: Կազմակերպութեան միեւնոյն լիիրաւ անդամը կարող է ընտրուել Նախագահ 4 տարի անընդմէջ: 4 տարի անընդմէջ Նախագահ ընտրուած միեւնոյն Լիիրաւ անդամի համար Նախագահ ընտրուելու իրաւունքը սահմանափակուում է 1 տարով,
- 5.13.3.** թեկնածուն առաջադրուում է Խորհրդի անդամի կողմից,
- 5.13.4.** Խորհրդի անդամը կարող է ինքնառաջադրուել Նախագահի թեկնածու,
- 5.13.5.** վարում է Խորհրդի նիստերը եւ տարեկան Զամագումարը, իսկ նրա բացակայութեան դէպքում նիստերը վարում է Գործադիր տնաւրէնը կամ Խորհրդի որեւէ անդամ,
- 5.13.6.** առանց լիազաւրագրի ներկայացնում է Կազմակերպութիւնը՝ պետական մարմիններում, տեղական ինքնակառավարման մարմիններում, ինչպէս նաեւ փիզիկական եւ իրաւաբանական անձանց, աւտարերկրեայ պետութիւններում եւ միջազգային կազմակերպութիւնների հետ փոխյարաբերութիւններում,
- 5.13.7.** Խորհրդի կողմից Գործադիր տնաւրէն ընտրելուց յետոյ կնքում է պայմանագիր վերջինիս հետ,
- 5.13.8.** Նախագահը հաշուետու է Խորհրդին,
- 5.13.9.** Նախագահին վաղաժամկետ պաշտաւնից ազատելու որոշումն ընդունուում է Խորհրդի կողմից Խորհրդի քուէարկող ձայների 2/3 մեծամասնութեամբ, բայց ոչ աւելի վաղ, քան Նախագահի պաշտաւավարման մեկնարկից 3 ամիս յետոյ:

5.14. Գործադիր տնաւրէնը

- 5.14.1.** ընտրուում է կամ վերընտրուում Խորհրդի կողմից, մեկ տարի ժամկետով: Եթէ Գործադիր տնաւրէն է նշանակուում Խորհրդի անդամներից որեւէ մեկը, ապա Խորհրդի անդամի թափուր տեղը լրացնում է Զամագումարի ընթացքում Խորհրդի ընտրութեան ժամանակ, յաջորդ ամենաշատ քուէներ ստացած անդամը,
- 5.14.2.** Գործադիր տնաւրէնի թեկնածուին առաջադրում են Խորհրդի անդամները: Եթէ Գործադիր տնաւրէնի թեկնածու է առաջադրուում Խորհրդի անդամներից մեկը, ապա Գործադիր տնաւրէնի ընտրութեան քուէարկութեանը այդ անդամը չի մասնակցում,
- 5.14.3.** Զամակարգում է Կազմակերպութեան մարմինների աշխատանքը եւ իրականացնում է Կազմակերպութեան գործունեութեան ընթացիկ կառավարումը,

- 5.14.4.** ապահովում է խորհրդի եւ Յամագումարի որոշումների կատարումն ու վերահսկողութիւնը,
- 5.14.5.** իրականացնում է խորհրդի կողմից հաստատուած հիմնական միջոցառումների կազմակերպումը եւ աշխատանքային տարեկան պլանների ու ծրագրերի իրագործումը,
- 5.14.6.** առանց լիազարագրի ներկայացնում է Կազմակերպութիւնը՝ պետական եւ տեղական ինքնակառավարման մարմիններում, ինչպէս նաեւ փիզիկական եւ իրաւաբանական անձանց, աւտարերկրեայ պետութիւններում եւ միջազգային կազմակերպութիւնների հետ փոխյարաբերութիւններում,
- 5.14.7.** ստորագրում է այդ փաստաթղթեր,
- 5.14.8.** ստորագրում է Կազմակերպութեան դրամատնտեսական փաստաթղթերը, յուշագրերը եւ յայտարարութիւնները, լուծում է Կազմակերպութեան դրամական եւ տնտեսական գործունեութեան հետ կապուած հարցերը,
- 5.14.9.** հաստատում է Կազմակերպութեան գոյքի աւգտագործման եւ գործունեութեան տարեկան հաշուետուութիւնները, որոնք Վերստուգողի եզրակացութեան հետ միասին տարին մեկ անգամ ներկայացնում է խորհրդի հաստատմանը,
- 5.14.10.** տնւարիւնում է Կազմակերպութեան ցանկացած տեսակի եւ քանակի գոյքը, այդ թուում՝ դրամական միջոցները՝ խորհրդի կողմից հաւանութեան արժանացած բիւջէի հիմնական ուղղութիւնների սահմաններում, նրա անունից կնքում է պայմանագրեր եւ համաձայնագրեր, տալիս է լիազարագրեր, բացում եւ փակում է բանկային հաշիւներ, յայցեր է ներկայացնում դատարան եւ հանդէս է գալիս դատարանում,
- 5.14.11.** կազմում է Կազմակերպութեան հաստիքացուցակը եւ հաստատում տարեկան ծախսերի նախահաշիւը:
- 5.14.12.** Կազմակերպութեան ներսում ձեւաւորում է աշխատակազմ, սահմանում է աշխատանքային գործունեութեան ընթացակարգերը, արձակում հրամաններ եւ հետեւում դրանց պատշաճ կատարմանը, հաստատում է Կազմակերպութեան գործունեութիւնը կանաւակարգող ներքին փաստաթղթերը, այդ թուում՝ նրա առանձնացուած ստորաբաժանումների, հիմնարկների ներքին կարգապահական եւ այդ կանաւնները,
- 5.14.13.** սահմանում է Կազմակերպութեան աշխատողների նկատմամբ խրախուսանքի եւ տոյժի միջոցներ կիրառելու կարգը, աշխատանքային արեւնստղութեամբ սահմանուած կարգով աշխատողների նկատմամբ կիրառում է խրախուսանք, ենթարկում է կարգապահական տոյժերի,

5.14.14. իրականացնում է այդ կառավարման գործառնություններ, որոնց կատարումը ներառուած չեն մեկ կառավարման մարմինների լիազարուութիւններում:

5.15. Վերստուգողները

5.15.1. Կազմակերպութեան գլխաւոր վերահսկողական մարմինն են,

5.15.2. Վերստուգողները ընտրուում են Կազմակերպութեան Լիիրաւ անդամներից, տարեկան Զամագումարի ժամանակ՝ մեկ տարի ժամկետով եւ իրենց գործունեութիւնն իրականացնում են այս կանաւնադրութեան դրոյթների հիման վրայ: Վերստուգողի թեկնածուներին առաջադրում է Անուանակարգային յանձնաժողովը նախապես՝ մինչեւ տարեկան համագումարը: Վերստուգող են դառնում Զամագումարի ժամանակ առաւելագոյն քուէ ստացած առաջին 2 թեկնածուները,

5.15.3. Վերստուգողները պարտաւոր են տարին մեկ անգամ անցկացնել Կազմակերպութեան դրամատնտեսական գործունեութեան եւ Կազմակերպութեան ներքին փաստաթղթաշրջանառութեան, որակական ստուգում, Կազմակերպութեան կողմից տրամադրած փինանսական միջոցներով,

5.15.4. Վերստուգողները կարող են որոշում կայացնել՝ միայն իրենց նիստին պարտադիր ներկա անդամների մասնակցութեամբ: Որոշումը պետք է լինի միաձայն,

5.15.5. իրաւունք ունեն ծանաւթանալ Կազմակերպութեան գործունեութեանն առնչուող բոլոր փաստաթղթերին,

5.15.6. իրաւունք ունեն գրաւոր կարգով պարտադիր քննարկման եւթակայ առաջարկութիւնները ներկայացնել Կազմակերպութեան մարմիններին, որոնք պարտաւոր են ներկայացնել գրաւոր պատասխաններ,

5.15.7. իրաւունք ունեն պահանջել եւ ստանալ Կազմակերպութեան գործունեութեան վերաբերեալ տեղեկութիւններ,

5.15.8. իրականացնում են Կազմակերպութեան կանաւնադրութեամբ կամ Զամագումարի որոշմամբ նախատեսուած այդ լիազարուութիւններ,

5.15.9. ուսումնասիրում են Կազմակերպութեան գործունեութեան համապատասխանութիւնը Կազմակերպութեան կանաւնադրութեանը,

5.15.10. Գործադիր տնաւրէնին, նախագահին եւ խորհրդին ներկայացնում են առաջարկութիւններ եւ եզրակացութիւններ Կազմակերպութեան գործունեութեան բարելաւման ուղղութեամբ,

5.15.11. Վերստուգողները ներկայացնում են եզրակացութիւն տարեկան Զամագումարների ժամանակ, որն առնուազն պարունակում է տուեալներ՝ Կազմակերպութեան գոյթի եւ ստացման աղբերների, Կազմակերպութեան իրականացրած ծրագրերի եւ դրանց արդիւնաւետութեան, ծրագրերի իրականացման

ընթացքում ծախսուած միջոցների վերաբերեալ, ինչպէս նաեւ ներքին կարգերի, կանանաւորութեան եւ ռազմավարութեան պահպանման վերաբերեալ:

5.15.12. Վերստուգողները արտահերթ Յամագումարի ժամանակ կարող են ներկայացնել եզրակացութիւններ Յամագումարների միջեւ ընկած ժամանակահատուածի վերաբերեալ:

5.16. Անուանակարգային յանձնաժողովը

5.16.1. Անուանակարգային յանձնաժողովի հիմնական գործառոյթը Կազմակերպութեան Խորհրդի անդամների, Վերստուգողների եւ Անվանակարգային հանձնաժողովի անդամների թեկնածութիւններ առաջադրելն է,

5.16.2. Անուանակարգային յանձնաժողովը ընտրուում է տարեկան Յամագումարի ժամանակ՝ մէկ տարի ժամկետով,

5.16.3. Անուանակարգային յանձնաժողովի թեկնածուներին առաջադրում է Անուանակարգային յանձնաժողովը նախապէս՝ մինչեւ տարեկան համագումարը,

5.16.4. Անուանակարգային յանձնաժողովում անդամներ չառաջադրուելու կամ ինքնաբացարկ յայտարարելու դէպքում, որի արդիւնքում Անուանակարգային յանձնաժողովը պակաս է երկու հոգուց, նշուած գործառոյթները Անուանակարգային յանձնաժողովի փոխարէն իրականացնում է Խորհուրդը,

5.16.5. Անուանակարգային յանձնաժողովը բաղկացած է առաւելագոյնը երեք հոգուց,

5.16.6. Կազմակերպութեան աշխատակից հանդիսացող Լիիրաւ անդամները կարող են լինել Անուանակարգային յանձնաժողովում, բայց ոչ աւել քան մէկ ներկայացուցիչ,

5.16.7. Անուանակարգային յանձնաժողովը ուսումնասիրում է Կազմակերպութեան Խորհրդի, Վերստուգողների եւ Անուանակարգային յանձնաժողովի անդամութեան պահանջներին բաւարարող թեկնածուների ցուցակը, հաւաստիանում այդ թեկնածուների՝ ընտրուելու դէպքում Կազմակերպութեան այդ մարմիններում գործունեութիւն ծավալելու պատրաստակամութեան վերաբերեալ եւ կազմում է Խորհրդի անդամների, Վերստուգողների եւ Անուանակարգային յանձնաժողովի անդամների ընտրութեան քուէաթերթիկ,

5.16.8. Անուանակարգային յանձնաժողովը աշխատանքային հարցերի քննարկման նիստի համար քուորում ունի, եթէ ներկայ են առնուազն երկու հոգի: Յանձնաժողովը պարտաւոր է կազմել նիստերի արձանագրութիւններ, որոնք յանձնուում են Խորհրդի նախագահին եւ պահպանուում են Կազմակերպութեան փաստաթղթաշրջանառութեան ընթացակարգերին համապատասխան,

5.16.9. Անուանակարգային յանձնաժողովի կազմում չեն կարող ընդգրկուել Կազմակերպութեան Խորհրդի անդամները եւ Վերստուգողները,

5.16.10. Անուանակարգային յանձնաժողովի անդամ են դառնում Համագումարին ներկայ առաելագոյն եւ/կամ հաւասար քուէ ստացած առաջին 3 թեկնածուները: Սոյն կանաւնադրութեամբ չսահմանուած դրոյթները կարգաւորուում է Համագումարին ներկայ մասնակցողների ձայների 3/4-ի ձայների մեծամասնութեան քուեարկութեամբ հաստատուած կանաւնակարգով:

6. ՀԱՄԱԳՈՒՄԱՐԸ

- 6.1.** Համագումարը կազմուած է կազմակերպութեան բոլոր Լիիրաւ անդամներից:
- 6.2.** Համագումարը իր որոշումները ընդունում է Համագումարին մասնակից Լիիրաւ անդամների ձայների պարզ մեծամասնութեամբ, եթէ այդ բան նախատեսուած չէ կանաւնադրութեամբ:
- 6.3.** Համագումարը իր որոշումները կայացնում է տարեկան մեկ անգամ Համագումար անցկացնելով, որի անցկացման ժամանակը, տեղը եւ աւրակարգը սահմանում է խորհուրդը: Արտահերթ Համագումարը գումարուում է Կազմակերպութեան Լիիրաւ անդամների առնուազն մեկ երրորդի, խորհրդի անդամների երկու երրորդի, նախաձեռնութեամբ՝ ոչ ուշ, քան նախաձեռնութիւնից հինգ աւրուայ ընթացքում: Արտահերթ Համագումարը իրաւագաւր է, եթէ գումարուել է սոյն կանաւնադրութեան համապատասխան եւ Համագումարին մասնակցում է Կազմակերպութեան բոլոր Լիիրաւ անդամների ընդհանուր թուի կեսից աւելին:
- 6.4.** Հերթական եւ արտահերթ Համագումարը գումարելու ժամանակի եւ վայրի մասին Համագումարի մասնակիցները ծանուցուում են Կազմակերպութեան կանաւնադրութեամբ սահմանուած ժամկետներում, սակայն ոչ ուշ, քան Համագումարը անցկացնելու աւրուանից հինգ աւր առաջ:
- 6.5.** Հեռակայ Համագումար հրաւիրելու որոշումը կայացնում է խորհուրդը՝ ոչ պակաս քան ձայների 3/4-ի հիման վրայ: Հրաւիրելու պատճառ կարող են հանդիսանալ կանաւնադրութեան փոփոխութիւնները եւ կանաւնադրութեամբ եւ ՀՀ աւրէնքներով չնախատեսուած հարցերին հրատապ լուծումներ տալու անհրաժեշտութիւնից ելնելով:
- 6.6.** Հեռակայ Համագումարը հրատապ հարցերի քննարկման համար է եւ չի նախատեսում նոր խորհրդի կամ գործադիրի ընտրութիւն, այդ նախատեսուած է բացառապէս աւրակարգային հարցերի քննարկման եւ հաստատման համար:
- 6.7.** Հեռակայ կարգով Համագումարի անցկացման պարագայում նախապէս՝ առնուազն 5 աւր առաջ, Լիիրաւ անդամներին ուղարկուում է Համագումարի աւրակարգը եւ առաջարկուող փոփոխութիւնների վերաբերեալ նեկթերը՝ առկայութեան պարագայում:
- 6.8.** Համագումարի բացառիկ իրաւասութիւնն է.
- 6.8.1.** Կազմակերպութեան գործունեութեան հետ կապուած ցանկացած հարցի վերջնական լուծման իրաւունքը,

- 6.8.2.** Լիիրաւ անդամների եւ Խորհրդի առաջարկով Կազմակերպութեան կանաւնադրութեան հաստատումը եւ փոփոխումը, լրացումների կամ նոր խմբագրութեամբ կանաւնադրութեան հաստատումը,
- 6.8.3.** Կազմակերպութեան ռազմավարութեան, կառուցուածքի հաստատումը,
- 6.8.4.** Վերակազմակերպման մասին որոշում ընդունելը ընդհանուր Լիիրաւ անդամների ձայների 4/5 մեծամասնութեամբ,
- 6.8.5.** Լուծարման մասին որոշում ընդունելը, ընդհանուր Լիիրաւ անդամների ձայների 4/5 մեծամասնութեամբ,
- 6.8.6.** Խորհրդին անվստահութիւն յայտնելը ընդհանուր Լիիրաւ անդամների ձայների 2/3 մեծամասնութեամբ արտահերթ Չամագումարի ժամանակ:
- 6.8.7.** Այդ իրաւաբանական անձ ստեղծելու մասին որոշում կայացնելը, այդ կազմակերպութիւններում Կազմակերպութեան մասնակցութեան մասին որոշումների ընդունումը,
- 6.8.8.** Կազմակերպութեան մարմինների իրաւական ակտերի պահանջներին եւ կանաւնադրութեանը հակասող որոշումների գործողութիւնը դադարեցնելու մասին որոշում կայացնելը,
- 6.8.9.** Կազմակերպութեան կառուցուածքի հաստատումը՝ Չամագումարին մասնակից եւ քուէարկելու իրաւունք ունեցող Լիիրաւ անդամների ձայների մեծամասնութեամբ:

7. ԿԱԶՄԱԿԵՐՊՈՒԹԵԱՆ ՍԵՊՅԱԿԱՆՈՒԹԵԱՆ ԳՈՅԱՑՄԱՆ ԱՂԲԵՐՆԵՐԸ ԵՒ ԱԻԳՏԱԳՈՐԾՄԱՆ ԿԱՐԳԸ

- 7.1.** Կազմակերպութիւնը որպէս սեպիականութիւն ունի առանձնացուած գոյք եւ իր պարտաւորութիւնների համար պատասխանատու է այդ գոյքով:
- 7.2.** Հիմնադիրների եւ անդամների կողմից Կազմակերպութեանը յանձնուած գոյքը Կազմակերպութեան սեպիականութիւնն է: Կազմակերպութիւնն իր գոյքն ու դրամական միջոցներն աւգտագործում է կանաւնադրութեամբ սահմանուած նպատակներով:
- 7.3.** Կազմակերպութիւնը որպէս սեպիականութիւն կարող է ունենալ շէնքեր, շինութիւններ, բնակարանային փոնդ, տրանսպորտային միջոցներ, սարքաւորումներ, դրամական միջոցներ, բաժնետոմսեր, այդ արժեթղթեր եւ աւրէնքով չարգելուած այդ գոյք:
- 7.4.** Կազմակերպութեան սեպիականութիւնը գոյանում է անդամների ներդրումներից, անդամավճարներից, ձեռնարկատիրական գործունեութիւնից ստացուած միջոցներից, իր ստեղծած կամ իր մասնակցութեամբ այդ կազմակերպութիւններից ստացած միջոցներից, նուիրատուութիւններից, նուիրաբերութիւններից, ՀՀ պետական բիւջէից դրամական մուտքերից, դրամաշնորհներից, հանգանակութիւններից եւ աւրէնքով չարգելուած այդ աղբերներից:

7.5. Կազմակերպությունն իր սեպիականությունը, այդ թուում՝ ձեռնարկատիրական գործունեությունից ստացուած միջոցներն աւգտագործում է միայն կանաւնաղղական նպատակների եւ խնդիրների իրականացման համար:

7.6. Եթէ Կազմակերպությունը հաշուետու տարուայ ընթացքում պետական կամ համայնքային միջոցներից փինանսաւորուել է 10 միլիոն եւ աւելի Հայաստանի Հանրապետութեան դրամի չափով, ապա այդ միջոցների աւգտագործման վերաբերեալ Պետական եկամուտների կոմիտէի (Լիազաւր մարմին) սահմանած հաշուետուությունը, որպէս յատուկ նպատակի դրամական հաշուետուություն, ենթակայ է պարտաղիր աուղիտի՝ «Աուղիտորական գործունեութեան մասին» աւրէնքի համաձայն:

8. ԿԱԶՄԱԿԵՐՊՈՒԹԵԱՆ ԱՌԱՆՁԱՑՈՒԱՅՑ ՍՏՈՐԱԲԱԺԱՆՈՒՄՆԵՐ ՍՏԵՂՆԵԼՈՒ ԿԱՐԳԸ

8.1. Կազմակերպությունը, ըստ գործող աւրէնսղղութեան, իրաւունք ունի ստեղծելու մասնաճիւղեր, ներկայացուցչություններ եւ հիմնարկներ, որոնք գործում են Հայաստանի Հանրապետութեան տարածքում եւ աւտարերկրեայ պետություններում:

8.2. Կազմակերպութեան ներկայացուցչությունները, մասնաճիւղերն ու հիմնարկները առանձին իրաւաբանական անձինք չեն եւ գործում են Կազմակերպութեան կանաւնաղղութեան դրոյթների հիման վրայ:

8.3. Կազմակերպութեան գործունեութեան տարածքը Հայաստանի Հանրապետությունն է եւ այն երկրները, որտեղ Կազմակերպությունն ունի ներկայացուցչություններ, մասնաճիւղեր եւ անղամներ:

9. ԿԱԶՄԱԿԵՐՊՈՒԹԵԱՆ ՎԵՐԱԿԱԶՄԱԿԵՐՊՈՒՄԸ ԵՒ ԼՈՒՃԱՐՈՒՄԸ

9.1. Կազմակերպութեան վերակազմակերպումը եւ լուծարումն իրականացուում է աւրէնքով սահմանուած կարգով:

9.2. Կազմակերպութեան հարկաղիր վերակազմակերպումը կամ լուծարումը կարող է կատարուել միայն դատական կարգով:

9.3. Կազմակերպութեան գործունեությունը համարուում է աւարտուած, իսկ Կազմակերպությունը՝ լուծարուած, իրաւաբանական անձանց ընղհանուր պետական գրանցամատեանում համապատասխան գրառում կատարելու պահից:

9.4. Կազմակերպությունը լուծարուելու դէպքում պարտատերերի պահանջները բաւարարելուց յետոյ մնացած գոյքն ուղղուում է Կազմակերպութեան կանաւնաղղութեամբ նախատեսուած նպատակներին, դրա անհնարինութեան դէպքում դրամական միջոցները փոխանցուում են պետական բիւջէ, իսկ այդ գոյքը սեպիականութեան իրաւունքով փոխանցուում է

Հայաստանի Հանրապետությանը՝ ի դեմս Կառավարության, բացառությամբ արևելքով սահմանուած դեպքերի:

Սոյն կանաւնադրութիւնը կազմուած է 12.07.2025թ. եւ բաղկացած է 18 թերթից:

